

靈巖山人詩集

靈巖山人詩集目錄

第三卷 古今體詩

硯山怡雲集

著雍執徐

小樓曉起

過穹窿道院

春日山居題壁

光福寺

客過

夜遊白雲寺看梅花

久不晤王子存素

懋

春暮過訪山中以畫見貽

詩以酬之

紅蕉書館賦呈紫滄師

過傳是樓贈徐大桂門德諒

春盡日同人橫塘泛舟分得窻字

登陽山

感秋九章有序

重拜靜公影堂有序

畫二首

聽雪閣

小憩寒山放鶴亭作

過黃丈野鴻子雲山居

微雲

秋郊

題馬和之十八應真卷後

上方寺

睡起

汲雲庵詠食物四首

風雨梅

碧蘿春

松花蕈

燕來筍

訪惠徵君定宇

棟

先生賦贈三首

書館夜讀聞隆福寺鐘聲

冬夜期友人不至

屠維大荒落

素心蘭十二韻

逸園梅花盛開酬主人程自山鍾

何畹芳

蘭

陸錦雯

綱

早春過訪信宿山齋臨別

得句贈行二首

六浮閣

假山

題隱者村居

七十二峯閣觀雨作

感春

郊行

初夏卽事偶成

山中晚歸值雨作

獨酌

吉雲庵晚眺

書窻

題讀畫舫壁

劔門

拂水

吾谷

三峯

芙蓉莊紅豆樹歌

謁光祿卿沈敬亭

起元

先生於學易堂敬呈四

律

白蘋花

月夜歸山館憩道旁古墓

弇園詠芙蓉

村夜

歲暮過穹窿上清宮贈道士陸寒碧

神弦曲

靈巖山人詩集卷三

鎮洋畢沅秋帆

一字樓蘅

硯山怡雲集

著雍執徐

小樓曉起

傷春人似杜樊川  
隱几西樓思黯然  
風急紙窗關不住  
梅花片片落琴絃

過穹窿道院

討春遠過神仙宅  
石級盤空躡白雲  
松院鶴歸棋未散  
花壇月上磬初聞  
巡廊徧讀塵牆句  
剔蘚閒看石碣文  
尚有山陰劉道士  
乞書遺教餉鷺羣



春日山居題壁

遙山環向草堂青，竹裏柴扉鎮日扃。  
花徑泥香初下燕，柳塘水煖欲生萍。  
愁逢酒盡偏相薄，夢入春來已不靈。  
空憶勞勞遠行客，馬蹄芳草短長亭。

光福寺

虎山橋畔路，月夜共僧行。  
石磴落人影，雲泉和磬聲。  
梅繁香徑塞，桐覆小窻清。  
惠遠揮松柄，談經破俗情。

客過

剝啄叩雲門，人來破薜痕。  
牆低花得氣，砌壞竹行根。  
作傳摹公穀，論詩薄宋元。  
欣然忘主客，相對倒清尊。

夜遊白雲寺看梅花

寺在雲深處，花光照兩廡。坐與老僧談，竹鑑響春雨。舉頭  
月正中，疎影如畫譜。我欲爲寫真，從僧借豪楮。寒禽忽飛  
來，雙雙踏香語。

久不晤王子存素慄春暮過訪山中以畫見貽詩  
以酬之

丹青能事敵鬼斧，神妙欲爭化工補。婁東王氏多畫師，南  
宗嫡派堪步武。奉常司農並廉州，筆力直與倪王儔。彌孫  
存素亦妙手，江湖契濶隔幾秋。晚春攜畫來，見投滿窓紅  
日花影稠。開軒展翫，忽叫絕恍如坐我。太華縹緲仙人樓，  
仙人不可見，丹竈空長留。石磴太古水，化作白雲流。雲流  
渡傍渡，紅出桃花樹。板屋三兩間，知是誰人住。似有鉤輞

格磔聲崦複林迴無覓處橋西一望波漫漫此是江頭第  
幾灣風帆一葉去不息羨渠投老還鄉闕君今妙藝竟至  
此昔賢已有替人矣五嶽眼前遊可臥樓角月懸璧半破

紅蕉書館賦呈紫滄師

寒松骨氣鶴姿儀姓氏元龍四海知白首名遺千佛榜青  
氈老作六經師雲堂每聽鯨鐘動家塾仍嚴鹿洞規燭跋  
尚遲請問出先生未是欠伸時

過傳是樓贈徐大桂門

德諒

寶胄清才數白睂烏衣誰問舊生涯顛吟君已成詩癖狂  
飲人還罵酒悲綠野亭臺鋤藥圃淡園梨棗析薪炊淒涼  
萬卷樓頭月曾照尚書手勘時

春盡日同人橫塘泛舟分得窻字

花飛千點燕飛雙  
畫舸亭亭傍薜缸  
煙浦半篙輕碧水  
酒樓三面小紅窻  
遊借舊友能行意  
笛倚新詞未入腔  
今日送春須盡醉  
綠陰明日徧橫江

登陽山

飛鳥峻峒怯往還  
支筇賈勇上孱顏  
日銜綠樹盡頭塔  
雨在白雲生處山  
閨歲節遲春較  
緩芳林花落蜨初閒  
到來大石山房坐  
舊德清名竝想閒

前明王濟之先生別業在焉

感秋九章

有序

首夏先君歿後久不至山中  
日月云邁忽忽深秋傷  
霜露之已零痛音塵之永隔  
身心憔悴同於灰木我

母諄令復理舊業勉赴研山書堂時值候蟲吟砌獨  
鶴警宵觸緒關情悲愴誰訴偶賦感秋詩聊抒抑鬱  
寫哀悰而已

空谷滿秋聲涼意淒心骨蟪蛄學人語徹夜啼不歇敗葉  
四山下飄零感存歿昔歷皆實境追想轉恍惚念酬罔極  
恩有力亦難竭愁人怕更長風濺一簾月攝我冰壺魂去  
貯廣寒窟

求名非吾願親志不可違屏迹深谷中寂寞鎖烟扉圖書  
列几上兀兀忘渴飢尚友古之人警欬聆珠璣思親親不  
見言在姿形非夜烏啼霜樹血淚染麻衣佛堂晨鐘打書  
燈尚熹微松窻斷人影幾片白雲飛

蚤歲邁閔凶憂居人事倦塵緣思解脫紛擾安足戀西風  
颭紙燈飛光逐流電冉冉秋欲暮寂寥景狀變極望千林  
寒重來款僧院拜佛不祈福手擷幽花薦老鶴喜足音裴  
回認我面塵生壁挂琴泉渴匣貯硯空廊尋履迹青苔已  
踏徧疎花倚錦石淒絕失舊綯

上方鐘磬寂塔院叢鈴語新涼入布衾瑟縮聊獨處窻閃  
黏竹螢案竄撲燈鼠豪宕意氣消閒工寄刻楮昨宵夢遠  
游杳杳千山阻提籃拾瑤草雲深去何所仙扉洞壑深因  
緣尋道侶清泉可以酌白石可以煮夢醒一牀霜鸞鶴似  
曾許竹盼餐霞人挈我共遐舉

古人不見我我思見古人人歿代云遠翰墨留精神先子

抱古癖祕賞多藏真零縑及斷楮貴逾拱璧珍縮角趨庭  
日性喜圖史親偶繙古名蹟拈豪學效顰自抱人琴痛雲  
州隔前因小齋一廚畫封識網蛛塵開囊細展翫宛然手  
澤新指眼欲撫寫泔泔涕沾巾

時運際屯蹇俯仰多偏仄萬象淒以清山水情亦匿幽花  
放牆角坐對如集棘愁懷紛亂絲縷縷費抽織前塵已渺  
茫後事難推測空圍風雨夕此恨知何極靜夜展瑤編低  
映青松色

讀書書尙多斷愁愁復續踽踽抱孤影熒熒栖荒谷霜光  
滿地流秋思在殘菊長簞寫涼波蕩漾不可掬蟋蟀戶下  
鳴伴予守幽獨采芝那療飢種竹或免俗經世祗妄念困

學且畫粥羽毛惜摧殘吾寧爲雌伏

石氣添慘晦杉梢響暮雨雨聲更更滴滴入心頭苦下帷  
對影坐山村斷譙鼓停雲感舊遊文采難僕數吟壇漸零  
落褻屐散三五大雅重扶輪敦槃盟孰主所思雲水隔迢  
迢望秋浦燈暗不生花山鬼窺窻戶

人壽非金石煎熬到百憂寓形在人間擾攘何時休庸庸  
紛嗜好安能副汝求淡泊守素志身外無可謀涼眠石上  
雲閑上竹間樓水光蕩几席恍悟身世浮五湖吾泛宅煙  
波狎輕鷗桂香明月滿空載一船秋

重拜靜公影堂

有序

靜然上人與先君訂方外交風雨寒暑往還無間病



中曾從學佛先君歿後未閱月靜師忽來云昨宵夢  
尊公結伴往靈棲去緣前生同爲禪侶恐老僧亦不  
久在塵世矣初以爲戲言不數日師卽示疾疾亟仍  
持課誦不輟詰朝索香水沐浴趺坐合掌說偈逝佛  
言因緣之說豈無因哉

音顏一別記難真誰是金剛不壞身梵篋香消全泥雨禪  
牀繩縛半封塵吟來落葉詩前讖悟徹拈花定裏因支許  
石交緣未了下泉還有授經人

畫二首

日落迴廊壁熏鑪香篆息庭空不見人秋在青苔色  
四空雲似墨十日雨不止石亭如小舟煙水空濛裏

聽雪閣

縣流如白練直下一千尋萬古荒荒色天風吹至今松門  
晴亦雨石磴晝常陰何意空山裏長留韶濩音

小憩寒山放鶴亭作

片雲何處來忽作原上雨斜陽明遠山雙禽投極浦石亭  
悄無人隔澗聞樵斧

過黃丈野鴻子雲山居

谷口林深接巉村日晴籬落散雞豚麥田過雨翠浮屋澗  
水流花紅到門榻有異書真士福山容高枕卽天恩閒來  
一叩長吟閣硯譜茶經共討論

微雲

心遠見高際  
天空得靜機  
人煙紛欲暮  
鴻雁尙同飛  
冉冉  
度遙岫  
迢迢入太微  
君看今古事  
則是此依稀

秋郊

乳鳴聚塘坳  
何人此結茅  
花村山四抱  
石閣樹雙交  
暖日  
裂瓜頂清霜  
染橘包野祠  
無祭賽門戶  
網蠨蛸

題馬和之十八應真卷後

冰綃幻出貝葉紋  
南渡侍郎留手痕  
莊巖自在應真像  
筆尖所到神變存  
境幽林茂果何處  
無乃舍衛給孤園  
兩兩  
迦陵相對立  
半天紅射扶桑噉  
一人左右手作印  
蒲團跏趺依脩構  
寂默身披安陀會  
五衣  
萬年一念忘勞煩  
一人  
咒鉢兩龍出  
九霄蚺蟻相騰翻  
四人旁觀齊仰首  
喜者失

笑驚者奔橋外小亭映深竹中有一人白佛言五禪九定  
十回向似將各一疏真源崑崙兒侍捧香篆羯布羅龍騰香

氣何氤氳花間石榻綠熊褥一人熟睡無朝昏津梁若疲

豈神定何以滋茂精進根一人入定等枯木旁有怪立頭

如毳胸際諸魔久調服作此伎倆徒殷殷一人持經默自

課龐斜權頰清而敦至人不染文字相三塗八難俱堪焚

阿輪迦下無曼花樹也三人坐共觀圖卷相評論六種震動證神

力普示闍浮解脫門侍兒旁持鉢塞莫數珠也心有所悟手

自捫一人右肩獨偏袒手振錫杖湧慈雲八萬四千母陀

臂徧與一切接引恩兩人跣足對戲水水流赴石聲潺湲

驚濤不敢近衣角化作萬道明珠噴有時捉出水底月將

來貯向瑯璃盆獻珠龍女凌波立飄飄委佩從風掀雲鬢  
霧鬢態綽約翩然抗手如鸞鴛一人稜稜瘦露骨猛虎弭  
耳身旁蹲情與無情俱已泯異物可撫同家豚昔人作此  
豈無故迷途苦海多愁怨特開生面留宇宙憑仗佛力爲  
牽援若云諸相本無相髻成德安胸卮文現出薜萄色世  
界是空是色誰能分沈檀匣盛錦襍寶珠纓鬢垂繽紛  
六時懺悔菩提記清磬紅燈礼世尊

上方寺

鐘聲落上方一徑轉崇岡石隙秋泉碧峯頭晚日黃僧憑  
崖作屋圍以竹爲牆窻紙風吹盡無人到影堂

睡起

小院沈沈日向晡  
匡牀睡起擁羅襦  
玉籠廊曲調鸚鵡  
金井花陰響轆轤  
說鬼不嫌才子幻  
攤書常勘古人誣  
鑪香一穗琴三疊  
誰寫閒身上畫圖

汲雲庵詠食物四首

風雨梅

落實筠筐滿清芬  
漬露飴製宜香積  
鉢貯取碧花瓷  
龍腦嘗新後雞鳴  
感舊時虛窻茶話  
罷冷韻沁心脾

碧蘿春

名漏茶經錄靈泉  
品若何香分雪海  
月色染洞庭波  
採擷連雲遠清華  
得氣多松風喧石  
鼎幽興發吟哦

松花蕈

種自天葩茁雲根潤澤涵采芝仙女誤食肉鄙夫慚味澹  
和蔬煮香凝勝藿甘僧雛攜廬去帶雨摘盈籃

燕來筍

時雨先春降脩篁暗走鞭社期元鳥至屋角蟄龍穿碧玉  
剛三寸雕梁又一年鄉園風味美飽食坐談禪

訪惠徵君定宇

棟

先生賦贈三首

老屋寒氈六十年白頭燈火舊因緣徵書束帛邱園賁校  
本遺經弓冶傳漢學世誰宗五鹿清門人自仰三鱸葑溪  
卽是山陰道雪夜催開訪戴船

時萬舉  
經學

翦燭圍鑑奉履絢精研祕籍總膏腴清言直瀉瓶中水妙  
義如探海底珠一綫保殘存絕學三才貫弗識通儒元亭

問難窺奇字猶愧多聞近末膚

曼倩窮愁苦忍飢買文錢待給晨炊著書娛老真清福稽  
古求榮亦笑資家守青箱繇祖澤花開紅豆茁孫枝古歡  
要結千秋賞對酒掀髯酌瓦卮

書館夜讀聞隆福寺鐘聲

譙鼓統統轉四更新涼微覺袷衣輕芸窗殘燼三千歲蕭  
寺靈鯨百八聲打醒癡魔同警枕喚迴短夢泥淒粲筠簾  
斜漾明河影寂寞霜天夜氣清

冬夜期友人不至

遲客幽齋裏嚴城夜漏催風驚隔戶竹香送過牆梅寒月  
明如此停雲殊未來清宵無與語懷抱鬱難開



屠維大荒落

素心蘭十二韻

山空人迹絕雪瓣幻天工就予雙清格留茲太素風痕涵  
春雨碧豔冷夕陽紅蘭名紙閣深深護銀屏曲曲通情移

初佩客價索賣花翁泉貯黃瓷斗音諧綠綺桐相看真不  
厭獨處悵何窮韻寫瓊枝外光生虛室中靜能平躁志潔  
許表幽衷妙會香兼影微參色是空花開憐寂寂客去訝

恩恩總帳邀明月鮫珠滴露叢

先君性愛素蘭  
多手自培植

逸園梅花盛開酬主人程自山鍾

仙人鋤明月種梅三百樹綠以青粉牆意欲將春護忽被  
風牽引春色闕不住萬箇白玉螭飛向人間去

何晚芳蘭陸錦雯綱早春過訪信宿山齋臨別得

句贈行二首

雲容嵐影溯清緣竹閣聯牀夜不眠  
弦月乍沈鐘未動三更茶話佛燈前

旖旎風光惜麗辰峭帆輕翦半江春  
空山無物堪持贈折得梅花媵美人

六浮閣

名流觴詠地奇絕境無雙磴仄湖三面  
樓高月半窻吟壇文藻歇空谷足音  
楚漁子閒吹笛煙波挂綠簾

假山

春雨新晴碧蘚斑數峯高下列煙鬟  
高低位置隨人意穿

鑿痕留笑汝頑客主曾傳蕭宅請兒孫誰截華山還疎簾  
清簟南窗臥相對疑居煙靄間

題隱者村居

高人卜築向蒼崑渺渺川原一閣衝易去易來春樹鳥衝  
風衝雨暮江帆鄰知問字先堪愛奴解栽花便不凡何日  
攜家來此處伴尋黃獨荷長鑱

七十二峯閣觀雨作

碧瓦朱甍逼太清此間無異住瑤京不須更乞時人畫水  
墨林巒雨寫成

感春

江城春又至莫問酒鎗空客到談新事花開坐下風光陰

詩卷裏身計硯田中笑指高齋壁誰憐此爨桐

郊行

獨坐意不愜郊行日未斜回頭空渡樹迎面遠村花寫景  
憑詩瘦探幽任路差一旗風颺處喜近酒人家

初夏卽事偶成

擘箋纔作送春詩又是梅青麥綠時深樹殘芳餘帶在前  
庭濃蔭似雲垂暴暄天氣人人倦靜晝情懷事事宜池面  
魚兒爭出沒簷牙燕子共追隨青荷如鏡翻輕葉紫筍成  
竿解嬾枝石出東溟形最古僧來北嶽語多奇偶繙畫篋  
逢殘稿小憩晴窗譜舊棋稱體衣輕行路健焚香風定出  
簾遲生憎夜雨琴先覺惟值閒吟酒不辭折柬嬾招方外

友勝遊空負牡丹期

山中晚歸值雨作

下山值天暮風驟雨如注雲昏不辨村龍怒欲拔樹穿雨  
獨還家電影照歸路

獨酌

紫蟹黃雞間菊菹節過重九意何如滿斟遠客相貽酒徧  
讀名山未見書曲徑童爭風墮栗清池獺覷雨生魚科頭  
跣足從心適地僻無妨世法疎

吉雲庵晚眺

小亭獨上雨初晴遙羨風帆破浪行湖外數峯難了了斷  
虹低照忽分明

書窗

繞榻圍屏護碧紗日長睡起試新茶石窗萬綠悄悄處時  
有香來不是花

題讀書舫壁

如船書屋檻堪臨清淺方塘帶竹林水底風枝搖綠影無  
端驚散守魚禽

劍門

龍淵騰寶匣瓣瓣攢芙蓉鍛鑄大冶力劈削仙掌工石棱  
淬鋒刃白雲截半空奇峯裂一綫中有鳥道通割然山鬼  
嚇晦景潛其中仰窺天似練只許雙屐容險與虎牢異名  
取蠶叢同捫壁不敢入崧塞疑路窮翻愁靈扉闔終古遭

雲封雙丸歸袖底遙躡飛仙蹤

拂水

氣爲水之母水動由氣壹地行失故道石竅爭迸出逆其  
就下性噴激洩怒鬱雲根穿玲瓏萬斛真珠溢琤琮碎玉  
聲天風吹瑟瑟靈泉伏山下本是至柔物橐籥默鼓盪直  
立若有骨晃漾水晶簾高捲挂瑤闕手挽明河迴飛流濺  
白日上有真武宮金庭鎮嶂岫殿角松濤喧簷溜瀉活活  
長虹跨絕壑出奮雷車疾一步魂一逝觀瀾術已竭倒行  
而逆施其理實茫沕

吾谷

秋深山欲醉畫障開林嵐紅黃飛敗葉慘舒理可參鄧林

驅陽烏火織擁錦驂金霜殺浮豔冷情太沈酣峯迴線而  
曲洞腹窺訝谿地僻塵迹遠慣許幽人貪如環復如抱妙  
在徐徐探泉聲與石色中有古澤涵忽訝夕陽候倒影澄  
空潭尙湖明一碧月浸南山南

三峯

萬松塞谷口人隨白雲入蒼雲翳四時不雨亦晦溼西風  
吹青鬢冷翠滴箛笠一松各一狀奇變不相襲矯若孤鶴  
舞慘疑瘦蛟泣百轉山徑窮仍在松陰立巖确繡苔蘚窘  
步芒屨澀奧境出名藍古鉢有龍螫僧雛會款客前導每  
長揖浮圖霄漢外拉予登幾級入山深復深煙霞儘噓吸  
松花仙人餐去同瑤草拾



芙蓉莊紅豆樹歌

海南名種相思子劫火灰燒心不死仙莊勝蹟傍琴川一  
株紅豆分明是是樹今經二百年虎頭飛舄近炎天歸裝  
檢點攜廉石豔卉扶疎載畫船尙湖湖邊東澗路雨葉風  
枝朝復暮院落清陰悵寂寥看花人去思前度仲蔚荒園  
徑已虛丹霞一片落霏霏瑋梁海燕新巢穩漁父桃源舊  
路非黨魁名姓歸司隸休官一去空揮涕江南零落老尙  
書菟裘聊作投閒計絳雲樓閣耦耕堂書卷叢殘意黯傷  
上林目斷三株樹水國溪迴十笏房主人頭白寒燈裏竹  
屋柴門爨具徒無那風心老更顛名花坐對真連理猩紅  
一捻正鮮妍檀板珠歌夜不眠枉將旖旎三生夢懺向香

燈繡佛前紅豆花開復花落江山回首還蕭索望帝魂歸  
泣杜鵑海棠枝上悲風作亭成野史笑遺民枯斷靈根二  
十春那堪東海揚塵後重話西園介壽辰的皜流丹餘一  
顆金盤瑤席陳珍果玉簫重倚右丞詞火齊爭看錦繡裹  
無奈天家雨露銷萬年枝折影飄騷松圓仙去薜蘿老墓  
拱青楊宿草凋兵燹文章留浩劫江村潮落流於邑酒旗  
歌扇斷前塵草堂敲塌黜歸泣百歲華胥逐景光嬾枝新  
茁發生香石家別墅仍金谷晉代名園賸辟疆人間結實  
寧須促橋頭猶見繁英簇區區一樹變枯榮彈指興亡如  
轉轂秋風江上夕陽斜說與漁樵莫漫誇傳來花月新聞  
句留取東京譜夢華

謁光祿卿沈敬亭

起元

先生於學易堂敬呈四律

靈光江左望嶙峋粹德清名邁等倫一代龍門真理學

三朝虎觀舊儒臣立身喬嶽巖巖象被物光風靄靄春星  
斗文章雲鶴表如公方不愧天神

典領雄藩懋守爲與人爲誦口爲碑民爭讓畔傳三輔吏  
戒懷金凜四知身退歸來甘拙宦學純老去作經師布衾  
檢點平生事白日青天總不欺

硯耕壯齒歷辛艱游藝工夫本素嫻偶對雲泉臨北苑那  
煩絲竹伴東山詩壇垂白揮豪健易稿研朱著意刪自署  
小齋虛直字清風勁節共蕭閒

儒林循吏兩難并事事光爭青史名制行要師黃叔度傳

經合拜鄭康成絲蘿誼篤通家契桃李蹊殘感舊情末座  
心香傳一瓣空慚雛鳳繼新聲

先君幼年受業先生之  
門灑淚感懷獎勗倍至

### 白蘋花

水面繁葩雪片鋪渚鳧沙雁戲相呼寒江風露停舟夜月  
影茫茫淡欲無

### 月夜歸山館憩道旁古墓

悲風吹白楊枯草瘞白骨不知泉下人可見人間月

### 弇園詠芙蓉

高地種芙蓉看者悉引領我亦步月來滿地踏紅影紅影  
上我衣如雲到骨冷松邊有石磴高與花梢並我因立其  
上雙足出花頂遂令花萬枝俱遜我一等

村夜

歲暮荒村裏山昏人不行  
風乾月有暈溪凍水無聲  
鄰犬號寒急窻燈照影清  
梅花消息近買棹返江城

歲暮過穹窿上清宮贈道士陸寒碧

月牖輕霏瑟瑟塵高塞直與九霄鄰  
碧城新闢瓊華室也似人間貯玉人

帝座司香職亦清金丹曾說學長生  
雲巾翠袂攜魚鼓閒向松陰唱道情

風硯煙煤手捧持瓊牋索寫步虛詞  
空山不解籠鵝送折贈寒梅第一枝

沈水鑪香會辟塵那須壺嶠證前因  
中庭笑指三生石雪

幻聰明鶴幻身

神弦曲

黃楊簪冠鬱金裙  
女巫歌舞降神君  
彩蚪木鸞恍有聞  
旋風獵獵寒透骨  
金支翠旗遙出沒  
天低野迴斂餘照  
屋角老臬聲似笑  
肉飼飛鴉酒溼苔  
紙錢捲出牆頭灰  
醉飽得財女巫喜  
病人房中臥不起  
一燈青熒小於米

秀水門人王復編校

靈巖山人詩集卷三

靈巖山人詩集目錄

第四卷 古今體詩

硯山怡雲集

上章敦牂

香雪海探梅歌呈沈宗伯歸愚

德潛

先生

梅花十首

曉起

指月庵

遊上堯峯

述哀十六章

殘菊歎

皇朝詩人詩集卷四

山齋夜讀

秋堂對弈歌為范處士西坪作有序

重光協洽

空谷

法螺庵

千尺雪

天平山

白雲泉

華山

天池石壁

香雪海



鄧尉山

楓橋訪沙丈斗初

維杓

曹大來殷寓居東禪寺作春日雜詩邀予屬和  
因次其韻四首

小石壁納涼作

楞伽山寺

山館早起

巖秀才冬友

長明

過訪山園留宿畫船塢論詩

韋左司祠

吳淞櫂歌五十章

有序

題北宋巨然岱嶽圖

暮冬雜詠十首

冷月

晚風

臘雪

曉霜

凍筆

煖硯

火鍋

冰菹

竹鑪

盆梅

靈巖山人詩集卷四

鎮洋畢沅秋帆

一字  
鑲蘅

硯山怡雲集

上章敦牂

香雪海探梅歌呈沈宗伯歸愚

德潛先生

雨花橋頭雪一尺混茫花影連天白白鶴雙雙導予人青  
崦閒倚船窗吹玉笛蒼蒼海峽不如此何境雞鳴人寂迺  
似懷葛古時之光景閒閒不如此何民掃花鋤藥迺  
似防瀛海上之仙人一重一掩梅花村半鉤黃月垂黃昏  
溪迴谷邃中有逋仙老鶴輩幽居聚斂梅花魂款門見花  
人不見萬樹橫

硯山環缺白雲空古幹彌縫遮

面面上有青松綠竹有水仙花花間閒田餘幾棧老人補  
種桑與茶梅花泥予若有招隱意溪山罨畫曷不香國來  
移家詩翁閒情與梅似五湖一片空烟水愛梅掃石坐題  
梅裙屐追陪詩弟子春風只在杖頭吹銀瓶美酒斟酌之  
薄醉橫琴譜三弄繁枝冷豔蕪蕪霏清詞孤篷歸載寒香  
重曉禽啼破羅浮夢

梅花十首

側側東風淡淡煙蕭疎最愛硯山前琴中舊曲誰三弄江  
上相思已一年老榦不花香亦烈空腔著蘚態逾妍幾灣  
流水千尋壁有客衝寒正泊船

霧縠冰紈學素妝天生真色雪生香斷橋水咽三更月破

驛門扃一徑霜何必隴頭傳雁使只宜楚客貯瓊牋孤寒  
不入朱門賞宰相空迴鐵石腸

重跗疊萼玉成堆一樹和煙亞澗隈霜磴何人侵曉上書  
窻爲爾忍寒開入山每曳孤筇訪隔院休將短笛催縱有  
丹青難貌取槎枒偃蹇半身苔

占得春光第一分從來蜂蝶斷知聞蕭然世外原如我悄  
爾窻前定是君疏影入池成古畫濃香出屋化寒雲生平  
無意矜高潔冷淡風情自不羣

莫聽臨風玉笛聲曲中只惹客愁生不知我者誰心賞若  
有人兮與目成自覺文章趨古淡君真冰雪淨聰明筆牀  
茶鼎鉤簾坐玉照虛堂四座清

愛著山人白紵衣高懷冷淡世應稀半龕燈影僧初定雙  
崦雲香鶴未歸門掩小籬春寂寂廊通深院月微微嚴寒  
料峭風剛緊莫化東園玉蝶飛

水邊林下見瑤姿幾度巡簷有所思山郭雪消風定後石  
亭人去月來時誰將鶴膝蜂腰格寫出郊寒島瘦詩相對  
不須傷歲晚淺春纔放兩三枝

梅檀臭味玉精神一種孤高屬性真薄霧雀聲山店暝初  
陽霜氣草堂春昏燈曉角回幽夢片石寒泉證夙因怪底  
絕無濃冶態寂寥姑射本神人

疎籬曲折水灣環香澗空林寂掩關大地羣芳皆後進先  
天妙悟在空山三三寂徑成長往九九飛靈鍊小還飽歷

霜寒惟予汝豔情穠致已全刪

瓊島珠塵罨畫欄  
刻玉作奇觀  
白衣首許朝青帝  
素女同遊馭彩鸞  
能爲世風留太古  
須知天意試奇寒  
碧山似有人招隱  
閒抱焦桐石上彈

曉起

空簷鵲噪惱幽眠  
強起呼童吸曉泉  
說是昨宵春雨急  
落花吹滿釣魚船

指月庵

殿影浸湖光  
前朝選佛場  
古苔青奪路  
春柳綠過牆  
僧老忘真臘  
幡輕颭妙香  
勞生何日了  
我欲問慈航

遊上堯峯

石級盤千仞林開見寺門落雲壓鳥背飛澗斷崖根木榻  
枯禪定苔龕古佛尊不知何歲月無字古碑存

述哀十六章

哀哀孤兒罹此閔凶重闔奄棄鞠我不終遺硯沈碧飛燐  
瘞紅吳淞秋冷淚染丹楓

聞善則喜損己益人風潮告災萬竄沈湮施棺煮粥全活  
海濱抱濟世心非濟世身

先君不祿載換星霜風飄總帳遺挂中堂跼天踏地一存  
一亡白頭扶杖顧影徬徨

痛深伯道相依弱息我母至孝兼定省職必誠必敬爲闈  
門則懼傷親懷淚痕暗拭



長跪牀下手調湯藥衣不解帶水不沾勺代死不得淒神  
苦魄曷解瘋憂籲通冥幕

玉臺瓣香系出清河斷機截髮迭丁坎珂門祔零落隻手  
枝梧清宵課子辛勤柰何

嗟予小子五齡就傅夜臥同衾曉餐含哺珠玉逾珍疾疹  
是懼拈韻吟棋亦欣穎悟

傷親棄予風啼雨涕魂墮九泉杳冥無底自憐煢獨曷期  
康濟鐘鼎光榮不如負米

彌留遺令績學程功式穀未竟飲恨安窮青雲迢迢不到  
眼中瓊樓桂影吹斷天風

節序驚心秋橫碧落影閃筠簾塵昏板閣空山此身欲往

無著和予悲吟孤暖瘦鶴

藐茲諸弟一綫伶仃基繇有構器守挈瓶殫予智能曷慰  
先靈下泉心事慘照魚燈

墓門攢棘宿草霜靡繞樹烏啼啞啞不已親恩罔極親年  
寧族海不西迴終古如是

陽輝韜景幽泉寫怨鬼瞰我室叢伏方寸搖搖靡寧神智  
頽頓我欲芟愁愁根滋蔓

青燈如豆翳光殞屋不知夜深展卷卒讀寒螿入帷牆根  
鬼哭非是鬼哭一窻風竹

丙舍荒寒麻衣伏處藜牀明月終宵爾汝夢見親顏寤來  
何許遠浦漁歸石人私語

愁縈萬縷膺填百憂有生無生自春徂秋枯楊悲風靡時  
有休青山埋骨天道悠悠

殘菊歎

一夕西風緊空階已隕霜金英開復落晚晚暮園荒籬角  
人將隱牀頭酒倦嘗獨留高節在天意屬孤芳

山齋夜讀

松直疑人立風簾夜半開抱雲成獨夢花影自裴回駭鹿  
窺燈走淒鴻趁月來博山香漸燼嬾起撥殘灰

秋堂對弈歌爲范處士西坪作

有序

處士姓范氏字西坪以字行浙西人以善弈遊江湖  
間少穎悟年十三卽成國工百年來稱第一高手前

者奔師俱遜一籌性倜儻任俠瀟灑不羣遊歷郡邑  
士紳急爭致之先祖愛圍碁寒煖不徹君至婁常主  
予家寓心遠堂之西齋每對弈州中善弈者畢至環  
觀如堵牆君不甚思索布局投子初似草草絕不經  
意及合圍討劫出死入生之際一著落枰中瓦礫蟲  
沙盡變爲風雲雷雨而全局遂獲大勝衆口謹呼神  
色悚異嘖嘖稱爲仙所獲金無算垂手散盡囊中不  
留一錢時予甫弱齡隅座旁觀偷閒與之弈君讓予  
三子嘗云子若從予學可至次國手先祖恐失學時  
時禁絕之遂作秋堂對弈歌以贈

明軒洞豁筠簾遮衆賓環堵且勿譁東西對壘建旗鼓圍

匱方局無參差五嶽不動四目動死灰槁木形神悚冥茫  
淬厲鍊心兵多算少算務持重戰國縱橫術細論車箱井  
欄舊譜存日月九天黃赤道風雲八陣死生門初投數子  
絕跬步中邊錯落晨星布玉滋霞島冷煖殊手落紋楸後  
先互俄焉兩敵漸紛爭虛堂殺氣宵騰騰每于袖手旁觀  
暇如聽金戈鐵馬聲暗伏明挑先冥索出入神鬼煎精魄  
九邊飛角取遠勢一著攻心乃上策淮陰將兵信指揮鉅  
鹿破楚操神機鏖戰昆陽雷雨擊虎豹股栗屋瓦飛鳥道  
偏師方折挫餘子紛紛盡袒左忽訝奇兵天上來當食不  
食全局破虎鬪龍爭古戰場羸顛劉蹶勢靡常到底輸贏  
歸小劫爛柯人已闕滄桑坐隱仙家藉養性君今海內推

碁聖奇童爭並鄰侯稱常勢真堪積薪競元玉文犀照短  
檠眼中成敗最分明夜半局終涼月上滿窗花影覆空枰

重光協洽

空谷

溪迴峯勢折白雲扃石戶穿雲得異境幽人此築塢鳥啼  
春寂寂花落不知數茫然聆足音反受老鶴侮勝地昔疏  
剔褻屐萃三五佛贊盥手抄琴歌橫膝譜溪山旖旎習洗  
滌到看嫵凡夫久仙去松竹誰爲主壁間鐫草篆筆力挾  
強弩手種雙梅花香影帶峭古餐霞眠月人任爾自攜取  
松子滿石牀無人坐揮麈山風吹午夢林端響樵斧

法螺庵

貪幽不知足絮入境已深煙鬟互虧蔽賺我尋香林如珠  
穿九曲旋轉窺山心斗大一蘭若推窗延翠岑鼠竊僧鉢  
飯雨頽佛面金妙參禪悅理偶弄百衲琴此是安心竟屏  
祛塵慮侵花間人悄悄石潤雲霽霽不知人間世可聞鐘  
磬音

千尺雪

寒山出寒泉雲骨窮剔鐫截蓄乍渟演沿洞旋潺湲縱之  
使一落銀漢秋空懸石剛水性柔怒激不受憐鬪鬪肆歎  
欲山鬼防驚癩跳珠碎玉聲恐攪幽人眠幾費巧匠斲久  
之得天然小閣題聽雪蕩漾清冷天探源得咫尺豈能計  
以千聽泉卽聽雪妙悟泯真詮

天平山

象緯拱天闕，剡圭矗霞表。芙蓉劔鏃，鈇不敢度飛鳥峯峯。  
比排授元氣，破靈顛百神。雲車馳金翠，盛羽葆儼列五等。  
尊未覺三台，杳名山鍾偉人。范氏此卜兆，文正少畫粥孤。  
露苦潦倒鬱極始發祥，相業實皎皎。手澤藏家祠，印石當  
墓道。展拜仰先哲，高義圍名好。山高水長風，後樂先憂抱。  
靈區森萬笏，特立不可撓。如見廷諍時，直節欽元老。

白雲泉

雲從石上生，泉自山下出。網緼滲靈滋，水行感氣壹。青壁  
繫飛梯，纏纏見垂鏞。天井透紫霄，石竅漏白日。凌虛架危  
構，中有散花室。璇珠噴乳竇，冷然風瑟瑟。仰窺羣峯攢，奇



與五迴幹徑塞測花幽磴細入竹密秋豪緣偏仄怒石如  
我叱判來生面開洞房石扉豁僧言最上層雲深泉更測  
私忖再期可那計三而竭輕舉追升猱側翻驚健鶻躩身  
立雲頭千狀變一瞥霞靄噓吸間排窻列翠笏活火烹泥  
鎗碧蘿煮瓊雪品兼色香味助我顏色悅靜聽松風喧酌  
以先供佛證彼淨明因滌予廣長舌三泉自上下其源來  
自一山空暝色赴歸趁飛鳥疾古澗一泓澄倒浸東嶺月  
雲影挾泉聲回頭倏已失

華山

羣松夾雲路雙屐溼翠影危磴裏裏垂鳥道界遙嶺探奇  
意漸賒銳進氣益猛牽藤捫絕壁擲足亂雲頂湖山奇絕

處一覽收萬景止宿叩禪關戒規靜且整竹深僧貌寒月  
暗佛燈耿山空木葉下秋與鐘魚永仙掌障金天同名各  
異境逝將登太華絕險試鐵硬手舉十丈蓮塵顏浣玉井

天池石壁

長劍倚霄影險剗天根碎卓立一萬尺瀨氣幹無礙泓淵  
洞幽潛玉漿酌沆漑一寸龍螭螭景光翳冥晦終古此開  
鑿雲雷出其內吳中富名山奇峭獨拔隊鬼斧初削成具  
體擬華岱飛梯駕虛壑漫驚蛇倒退

香雪海

天風吹縞袂著予妙香域梅花千萬株雲關受填塞暗香  
爽一衍其深不可測橫斜兩三枝低礙帽影側銀濤翻珠

島靜涵太素色茫茫荒寒境梅疑被雪逼是雪還是梅真  
幻兩莫識歸舟泛青嶼煙水空相憶明月淡黃昏春光白  
鶴得

鄧尉山

幽絕巽斗柄曲曲梅花村籃輿進不已山深花更繁一重  
又一掩遠帶殘雪痕橫斜交左右手把瓊枝捫和風送香  
影陣陣如雲奔峯腰露殿角知有古刹存紅牆銀漢外萬  
樹山門屯拾級還元閣煙靄幻曉昏具區排白浪頌撼坤  
維垠金庭玉柱間倒插虛無根湖光蕩花光一氣互吐吞  
清遊賞心慙亦荷東皇恩寒香沁神骨襟袖驅溫磨松林  
翠羽夢佇遇梅花魂

楓橋訪沙丈斗初

維杓

破屋低頭戶透風窮年兀坐故書叢若論孤潔人千古未  
免揶揄鬼五窮遯跡底須塵闌外詩名多在布衣中鐘聲  
夜半寒山寺漁火書燈穗穗紅

曹大來殷寓居東禪寺作春日雜詩邀予屬和因

次其韻四首

笑予身鹿鹿傳爾詠鵝鵝詩就凌長慶書成逼永和名心  
因佛淡酒債爲花多聞說橫塘好相期撥棹過

鑪香縈小閣瓦雀下閒階冒雨支藤杖從僧借筍鞵爲鈔  
菩薩戒聊學太常齋侍立奚童巧先將筆硯排

無心夢忽驗屢卜卦無靈避日移吟榻遮風置幔亭客看

塵壁畫佛守破樓經薄暮收書卷凭欄聽鶴鈴  
偶談經歲事暮閣對匡牀竹裏風多韻花間月有香夢遊  
嫌夜短鄉訊愛書長爲我常消渴中廚索蔗漿

小石壁納涼作

避鷲得寂境靈抱暢瀟灑側磴入竹深冷翠滴雙毗拂面  
青琅玕翻風學人拜高桐掩寺門扶疎影入畫曲塢一亭  
幽木榻共僧話樓破蝙蝠出牆頽薜荔敗北軒面削壁積  
鐵儼阻阨石罅生短松虬枝倒垂龕泉分黃茅嶺涓涓瀉  
清快輕雷挾雨過濺珠聽澎湃開我讀書窗宛臥清涼界  
只領羲皇趣不受菩薩戒清露溼葛衫塵慮絕纖芥蟲語  
淒斷夢鬼燈聚作怪孤悰逐白雲隨風松頂挂

楞伽山寺

越來溪上慣淹留，況值琳宮水石幽。  
湖影入樓天不夜，竹聲到榻客疑秋。  
太涼未可成長住，得暇還期續勝遊。  
一葉烏篷侵曉發，藕花香夢羨眠鷗。

山館早起

空廊茶臼擣龍團，開幌無風怯曉寒。  
一夜瀟瀟山館雨，芭蕉綠過石闌干。

巖秀才冬友

長明

過訪山園留宿畫船塢，論詩

妙眼觀自在，斯秘何人啟。  
由來萬象態蕭然，入隱几傳神。  
阿堵中屈指無數子，請看天籟聲皆從蘋末起。

韋左司祠

別墅終南迹久荒，滄浪亭畔有祠堂。  
清吟半在凝香寢，大雅翻推執戟郎。  
元酒釀淳滋自美，綠琴彈罷韻彌長。  
宵來祈拜無他瀆，乞把詩源夢裏詳。

祈夢最靈

吳淞櫂歌五十章

有序

予家籍隸崑山，舊居東南鄉之綠葭浜濱。臨吳淞江，先塋丙舍在焉。春秋展墓，或探訪戚友，歲必數數。至則盤桓佇戀，時與漁父棹孃，作水天閒話。風帆一葉，偃仰於白蘋紅蓼間。秫酒魚羹，意興閒適。此則倚棹而歌，彼則扣舷而和。霜天月夜，韻徹寒霄。餘音常在耳也。山始閒靜，人事不接。松閣雨昏，心情無賴。每憶放艇柳陰，怡情蓮渚。水鄉景色，其人宛在。聊作吳

淞櫂歌五十章譜江國之風謠記漁家之歲月後有  
續天隨笠澤書者或可采錄焉

漁家生計水雲中  
鱸膾蓴羹口食充  
沽得梅花三白酒  
昨宵江上起秋風

半江碧玉皺連淪  
點染波光絢好春  
柳陌雨深泥滑滑  
綠蓑青箬賣魚人

風淒月暗夜揚舡  
極目長亭復短亭  
款乃曲終煙水暮  
鷗聲搖破一江星

飄零蹤迹逐萍輕  
野鷺閒鷗訂夙盟  
一幅布帆千尺浪  
浮家底事更藏名

澱山圓泖衆流通  
萬頃瑯瑤曉鏡中  
繫纜柳根魚不得  
釣



綸空漾落花風

不識人間金翠妝不知織布不提筐自憐命薄如流水生  
長船家作棹孃

潮來纔見月初生潮去漏聲已四更風船不管潮來去脫  
卻蓑衣臥月明

白蘋風冷滿汀洲濁酒清歌幾度秋明滅夕陽波上下玉  
峯翠影落船頭

不插花枝態更妍布裙絮襖度年年那堪灘淺蘆深處也  
傍鴛鴦宿處眠

持竿豈是絲綸手飽食都消齷齪顏世人無限風波惡不  
到江天一笠閒

澤國花飛桂棹春  
落英夾岸漾溪濱  
到來總是桃源路  
賺殺漁郎去問津

柳梢殘月亂雅催  
滿面霜華枉溯洄  
我欲賣魚趁曉市  
主人木柵未曾開

羽作飛烏鐵作貓  
江關驛路悵迢迢  
不知水宿風餐客  
數遍江南第幾橋

鷺鷥爲友芰荷鄰  
飄泊因風任此身  
茶竈筆牀排妥貼  
居然笠澤著書人

空濛水氣接黃昏  
港曲溪迴見小村  
欲知漁隱家何處  
花外笞箬挂到門

蕩槳吳孃顏似玉  
風窗無幙亦無簾  
貧家莫笑艱妝具  
常

倩冰輪當鏡奩

曉日初升好駛風飛帆直指海門東  
紙錢飛上高桅挂一盞靈泉賽孟公

不遇恬波便激湍人生且作蕩舟看  
來船風逆去船順到此天公亦兩難

青洋江水拍吳塘一水盈盈兩地望  
家書題就平安字後夜潮平寄夜航

畫船簫鼓蕩中流白塔凌虛倒影浮  
八月十八潮生日問潮館外看潮頭

紅情滿滿一江香篷底風涼卸脫妝  
恨殺荷花嬌不語伴儂長住水雲鄉

滄波森森暮雲空天壤何方著釣翁夜靜沙明爬郭索緯  
蕭深處一燈紅

聊憑馬遠荒寒筆寫出扁舟獨釣圖歷盡驚濤還駭浪始  
知水面是夷途

一葉村航手自划春三展墓泊平沙到來丙舍連漁舍門  
遠江流是綠葭

終日垂頭手一竿釣魚漫把羨魚看漁師竭澤網罟密瑣  
族幸托江湖寬

沮洳未必有潛鱗枉約韓侯問水濱君欲釣魚須遠去斯  
言誤盡世間人

人掩柴扉烏入林山歌清韻雜寒砧恨他月子彎彎影不

照天涯蕩子心

入夢維魚卜歲豐衣完食足樂融融  
白鳧拳足如人立修潔終須讓此翁

曉辨朝餐夕穩眠世人幾輩羨臨淵  
游魚若不貪香餌任爾垂竿也枉然

徑雜花深感路歧行人惘惘欲何之一  
篙綠到斜陽外紅雨聲中喚渡時

酒食麤供喜有餘不勤耕稼不攻書  
到頭堅坐危磯穩夢斷飛熊載後車

新漲一痕添鳴綠長條萬縷染鶯黃  
郎心似水難留住一夜將愁送渺茫

郭外春風颭酒旗  
隔溪開遍杏花枝  
遙村紅日三竿上  
正是漁家曬網時

浪花無際拍長天  
人老江頭亦可憐  
看到斜風細雨後  
衝波幾隻鬻泥船

采蓮秋老采菱忙  
水調歌殘怨女郎  
菱角易添心裏刺  
藕絲難製嫁時裳

縱橫港汊路難窮  
人住婁江東復東  
莫道兒家顏色好  
水蒨花影作屏風

骨肉人生那易全  
羨他遯跡五湖邊  
朝朝風浪掀天起  
一世團圞在一船

長日灘頭理釣筒  
花難落盡水難窮  
晚來風起蘋花末  
人

在紅雲一鏡中

清景無多得未曾支殘水枕思曹騰夜深荻岸呻吟響殘  
月光中有一層

幾年幽夢落江湖那問當身境苑枯草澤自饒生計足時  
清稅不到魚租

綠波澹淡乍生春隨淺隨深舟自橫底事誇他食肉者葷  
羹一盃佐香秔

凍壑無魚下網空天寒口腹亦難充青油畫燭圍鑪坐不  
遣風光到雪篷

雙槁蕩去木蘭舟看破浮生水上漚無姓無名人不識妻  
孥不做傲公侯

不羨名高廁隱淪，天容位置作波臣。  
憑君翦取吳江水，難濯塵寰執熱人。

書屋三間瞰具區，幽樓人喚列仙臞。  
梅花庵主煙波侶，粉

本叢殘漁父圖

予家藏吳仲圭漁父圖畫卷

舡艫輕搖日已暝，天寒野宿繫荒汀。  
雙魚網獲上市去，換得新醪滿瓦餅。

瓜艇小於屋間半，釣鉤懸似月初三。  
鄰船玉笛吹嗚咽，雲影波光寫蔚藍。

白頭人瘦臥江干，破被寒添月已殘。  
一夜西風迷放艇，荻花如雪滿空灘。

遙傳蕭寺五更鐘，水遠雲深隔幾重。  
月冷金霜篷底落，一



宵顛顛到芙蓉

魚網原來人網殊浮蹤泛泛水中鳧商量他日頭銜署此  
叟應教長五湖

題北宋巨然岱嶽圖

歸雲堂中雲模黏瓊笈啟眎真形圖齊魯餘青青不了玉  
雞飛逐金烏孤紫閣噓吸通帝座尊嚴氣象人間無隱几  
此身入畫裏攬裘走向黃公墟酒酣酣臥白石磴清風引  
我涉幽徑月浸龍淵寒雲虛鳥道盤斷崖留古雪峭壁挂  
驚湍丹梯一步一易狀置身忽在千峯上一杯滄海問蓬  
瀛鸞笙鳳管來雲輶列班仙吏齊抗手金支翠蓋空中行  
水簾清冷天闕巖石留漢策松帶秦封玉女窻開珠箔

捲九枝海日當窗紅驚回清夢竹蕭瑟風馬霓裳盡相失  
花陰地上綠如雲蟾影衣間涼似雪翡翠盤鴻驚卮封禪  
頌梁父詞醉後臥遊真絕奇具堪濟勝不早決待出霞表  
知何時看畫題詩還自計詰旦齋糧從此逝我本三山采  
藥人試把芙蓉謁青帝

暮冬雜詠十首

冷月

蟾吐寒芒出深更月漸升鋪成三徑雪飛到一輪冰客少  
廊腰望霜應鴈背凝羅帷褰又下風利似生稜

晚風

蕭蕭復獵獵暝色助悲風荒磧茅生白斜陽樹不紅排開

纔掩戶驚起乍栖鴻怪底黃昏易同雲滿太空

臘雪

瓊樓霏瑟瑟九地絕纖塵早兆豐年瑞全銷陋巷貧物俱  
無此潔春已欲更新朗照神同澈遙懷玉府人

曉霜

聲發風初定霜華積漸繁角聲酸古戍人迹冷荒村肅殺  
化機伏巖凝生意存草堂親卷幔清晝有餘溫

凍筆

高齋風栗烈毛穎忽拘攣不意成飛白無心更守元中書  
疑老矣副墨笑茫然儻假呵噓力才原足挾天

煖硯

竹鑪溫凍硯著手亦成春不異燒田種真爲鍊石人薰陶  
資虎僕變理待龍賓應笑冬烘客揮豪自有神

火鍋

居然邀鼎食無事宰夫脲水火爭方急鹽梅調自宜冷憐  
工部炙熱異伯鸞炊儻舉銷寒會涼醜亦不辭

冰菹

御冬饒旨蓄不羨五侯鯖豈僅鹹酸異全令肺腑清冷淘  
堪並進寒具好同呈風味應嘗慣真看肉食輕

竹鑪

亦名  
火籠

編竹如籠撿中心置瓦盤火宜煨楮柚春永在檀欒並可  
供茶具真能保歲寒此君時送煖何畏雪漫漫

盆梅

疎枝憑束縛人巧失天真  
小閣添清供殘年逗早春  
月流窻隙影雪橫夢中因素  
几凝香處冰壺伴此身

嘉定門人錢培編校

靈巖山人詩集卷四